

H S G 778

Cod. Lat. Monac. 5857. Eberst. 57 15. Jh.

## Wassersegen

284d (zweispaltig) *du siehst mich (?)*

In nomine patris et filii et spiritus sancti  
Amen.

Daz wazzer muz alz salig sein alz der heilig  
Jordan do got selber inn getauft ward In den  
nom des vaters und dez Suns und des heiligen  
geistes Ich gesegen dich mit disen unvermerkten  
wunden und mit der gerechten lieb Jhesu Christi  
daz du dein swellen und swern last und dein  
smeken und troren sauren und fawlen lass und  
alle vnSchavch lazzt es sein wurm oder spinn  
oder fleugen oder welcher lay ungewurm laz sey  
daz müzz von dem wasser tod sein daz ich hie  
geseget han mit disen worten gotz daz ist war  
in gotz namen Amen. daz wazzer muz alz salig  
sein alz der heilig Jordan da got selb inn ge-  
tauft ward, In dem namen dez vaters und dez  
Suns und dez heiligen geistz O dw gesegeter  
herre Jesu Christe dein wunden Cruzzen noch er-  
fluzzen Si ersaurten noch erfaulten Do geslug  
nie chain ungelück zw also muz zw der wunten  
tun dy ich hie geseget han mit disen worten  
gotz daz ist war In gotz namen Amen Daz wazzer  
muz alz salig sein alz der heilig Jordan da  
got selber inn getauft ward In dem namen dez  
vaters und des Suns und dez heiligen geistz  
Amen. Sprich III pater noster und III Ave Maria  
Hec est benedictio aque bona erobata ad omnia  
*vulnera hominum et pecorum.*

Cod. Lat. Monac. 4757 enthält nur kirchliche  
segnungen.